

FRAMSELD REGLUGERÐ FRAMKVÆMDASTJÓRNARINNAR (ESB) 2021/1375 2022/EES/72/75**frá 11. júní 2021****um breytingu á framseldri reglugerð (ESB) 2019/33 að því er varðar breytingu á hefðbundnum heitum í víngeiranum (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 1308/2013 frá 17. desember 2013 um sameiginlegt markaðskerfi fyrir landbúnaðarafurðir og um niðurfellingu á reglugerðum ráðsins (EBE) nr. 922/72, (EBE) nr. 234/79, (EB) nr. 1037/2001 og (EB) nr. 1234/2007 ⁽¹⁾, einkum 114. gr.,

og að teknu tilliti til eftirfarandi:

- 1) Í framseldri reglugerð framkvæmdastjórnarinnar (ESB) 2019/33 ⁽²⁾ sem kom í stað fyrir og felldi niður reglugerð framkvæmdastjórnarinnar (EB) nr. 607/2009 ⁽³⁾ er mælt fyrir um reglur til viðbótar við reglugerð (ESB) nr. 1308/2013 að því er varðar vernd, afturköllun og breytingu á hefðbundnum heitum.
- 2) Í 34. gr. framseldrar reglugerðar (ESB) 2019/33 er mælt fyrir um að breyting á skráðu hefðbundnu heiti megi einungis varða þá þætti sem um getur í b-, c- og c-lið 1. mgr. 26. gr. þeirrar reglugerðar sem vísa, í þeirri röð, í tegund hefðbundna heitisins, tungumálið sem hefðbundna heitið er sett fram á og flokk vínræktarafurða sem um ræðir.
- 3) Í 42. gr. a í reglugerð (EB) nr. 607/2009 er hins vegar kveðið á um lengri skrá yfir hugsanlegar breytingar. Einkum er þar minnst á möguleikann á að breyta hefðbundna heitinu sjálfu, tungumálinu sem hefðbundna heitið er sett fram á, víninu eða vínunum sem um ræðir og samantektinni á skilgreiningunni eða skilyrðunum fyrir notkun hefðbundna heitisins. Breytingarmöguleikarnir samkvæmt reglugerð (EB) nr. 607/2009 voru því víðtækari og gerðu vínframleiðendum kleift að útvíkka eða takmarka, svo dæmi sé tekið, skrána yfir vín með verndaða upprunatáknun eða verndaða landfræðileg merkingu sem leyfð eru fyrir notkun á hefðbundnu heiti eða að breyta skilyrðum fyrir notkun hefðbundins heitis, þ.m.t. aðferðum við framleiðslu viðkomandi vína.
- 4) Ákvæði framseldrar reglugerðar (ESB) 2019/33 um hefðbundin heiti voru samin með það fyrir augum að tryggja samfellu í sameiginlega rammanum í tengslum við hefðbundin heiti sem komið var á fót samkvæmt reglugerð (EB) nr. 607/2009 ásamt því að ljúka við og skýra fyrirliggjandi málsmeðferðarreglur þegar þörf væri á. Í 34. gr. framseldrar reglugerðar (ESB) 2019/33 er vísað beint til efnisþátta rétt útfyllts umsóknareyðublaðs eins og það er sett fram í 1. mgr. 26. gr. þeirrar reglugerðar. Hins vegar varð sú yfirsjón að í skránni sem sett var fram í 34. gr. var óvart ekki getið um ákvæði a-liðar 1. mgr. 26. gr., sem vísar til heitis viðkomandi hefðbundins heitis, e-liðar 1. mgr. 26. gr., sem vísar til samantektar á skilgreiningunni og skilyrðunum fyrir notkun, og f-liðar 1. mgr. 26. gr., sem vísar til verndaðra upprunatáknana eða verndaðra landfræðilegra merkinga, þrátt fyrir að þessir þættir væru hafðir með í 42. gr. a í reglugerð (EB) nr. 607/2009. Þetta hafði óviljandi þá afleiðingu að möguleikinn á að breyta hefðbundnu heiti eru takmarkaðir við tegund hefðbundna heitisins, tungumálið og viðkomandi flokk vínræktarafurða.

(*) Þessi ESB-gerð birtist í Stjtið. ESB L 297, 20.8.2021, bls. 16. Hennar var getið í ákvörðun sameiginlegu EES-nefndarinnar nr. 274/2022 frá 23. September 2022 um breytingu á bókun 47 við EES-samninginn um afnám tæknilegra hindrana í viðskiptum með vín (bíður birtingar).

⁽¹⁾ Stjtið. ESB L 347, 20.12.2013, bls. 671.

⁽²⁾ Framseld reglugerð framkvæmdastjórnarinnar (ESB) 2019/33 frá 17. október 2018 um viðbætur við reglugerð Evrópuþingsins og ráðsins (ESB) nr. 1308/2013 að því er varðar umsóknir um vernd fyrir upprunatáknar, landfræðilegar merkingar og hefðbundin heiti í víngeiranum, andmælameðferð, takmarkanir á notkun, breytingar á forskriftum fyrir afurðir, afturköllun verndar og merkingu og kynningu (Stjtið. ESB L 9, 11.1.2019, bls. 2).

⁽³⁾ Reglugerð framkvæmdastjórnarinnar (EB) nr. 607/2009 frá 14. júlí 2009 þar sem mælt er fyrir um tilteknar, ítarlegar reglur um framkvæmd reglugerðar ráðsins (EB) nr. 479/2008 um verndaðar upprunatáknar, verndaðar, landfræðilegar merkingar, hefðbundin heiti, merkingu og framsetningu tiltekinna vínafurða (Stjtið. ESB L 193, 24.7.2009, bls. 60).

- 5) Þetta þýðir að í reynd kemur núgildandi orðalag í fyrstu málsgrein 34. gr. í veg fyrir að hægt sé að útvíkka notkun hefðbundins heitis til að ná til nýrra verndaðra upprunatáknana eða verndaðra landfræðilegra merkinga eða til að útiloka úr skránni yfir vín, sem leyfilegt er að nota hefðbundið heiti fyrir, þau vín sem ekki uppfylla lengur skilyrðin fyrir notkun þess. Enn fremur leyfir það t.d. ekki að hægt sé að aðlaga þær framleiðsluaðferðir sem um getur í forskriftum fyrir hefðbundin heiti þegar þessar aðferðir þróast vegna breyttra umhverfis- eða loftslagsskilyrða.
- 6) Til að leiðrétta þessa yfirsjón sem óvart varð og koma aftur á þeim sveigjanleika sem handhöfum hefðbundinna heita var veittur samkvæmt reglugerð (EB) nr. 607/2009 ætti að útvíkka skrána yfir mögulegar breytingar á skráðu hefðbundnu heiti sem um getur í fyrstu málsgrein 34. gr. framseldrar reglugerðar (ESB) 2019/33 til að ná til þeirra þátta sem um getur í a-, e- og f-lið 1. mgr. 26. gr. þeirrar reglugerðar.
- 7) Því ætti að breyta framseldri reglugerð (ESB) 2019/33 til samræmis við það.
- 8) Í þágu lagalegs skýrleika og til að tryggja jafna meðferð allra umsókna um breytingu á skráðu hefðbundnu heiti ætti þessi reglugerð að gilda afturvirkir frá 14. janúar 2019.

SAMÞYKKT REGLUGERÐ ÞESSA:

1. gr.

Í stað 34. gr. framseldrar reglugerðar (ESB) 2019/33 kemur eftirfarandi:

„34. gr.

Breyting á hefðbundnu heiti

Umsækjandi sem uppfyllir skilyrðin í 25. gr. getur sótt um samþykki fyrir breytingu á skráðu hefðbundnu heiti sem varðar þá þætti sem um getur í a- til f-lið 1. mgr. 26. gr.

Ákvæði 26. til 31. gr. gilda að breyttu breytanda um umsóknir um breytingar.”

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 14. janúar 2019.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 11. júní 2021.

Fyrir hönd framkvæmdastjórnarinnar,

Ursula VON DER LEYEN

forseti.